



Broj: 02-05-29188-5/16  
Sarajevo, 12.10.2016. godine

Na osnovu člana 26. i 28. stav 4. Zakona o Vladi Kantona Sarajevo ("Službene novine Kantona Sarajevo", broj: 36/14 - Neki prečišćeni tekst i 37/14 – Ispravka), Vlada Kantona Sarajevo je na **58.** sjednici održanoj **12.10.2016.** godine, donijela sljedeći

## ZAKLJUČAK

1. Vlada Kantona Sarajevo prihvata Mišljenje Ministarstva zdravstva Kantona Sarajevo broj: 10-49-87-167/16 od 07.10.2016. godine, a u vezi sa Nacrtom zakona o biomedicinski potpomognutoj oplodnji u Kantonu Sarajevo.
2. Mišljenje iz tačke 1. ovog Zaključka proslijedi se Skupštini Kantona Sarajevo.



Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo zdravstva
5. Evidencija
6. Arhiva





Broj: 10-49-87-167/16  
Sarajevo, 07.10.2016. godine

**VLADA KANTONA SARAJEVO**  
**Stručna služba Vlade**  
n/r mr.sc.Tarik Humačkić, Sekretar

**PREDMET:** Mišljenje na Nacrt zakona o biomedicinski potpomognutoj oplodnji u Kantonu Sarajevo - dostavlja se

Ministarstvo zdravstva Kantona Sarajevo podržava donošenje Zakona o biomedicinski potpomognutoj oplodnji u Kantonu Sarajevo, kojim se regulišu uvjeti za ostvarivanje prava na medicinski potpomognutu oplodnju, te prava, obaveze i odgovornosti svih učesnika u postupku medicinski potpomognute oplodnje u Kantonu Sarajevo.

Obzirom da se radi o Zakonu koji tretira stručno pitanje iz usko specijalizirane medicinske oblasti – ginekologije i opstetricije, Ministarstvo zdravstva je Nacrt Zakona uputilo Kliničkom centru Univerziteta u Sarajevu, Općoj bolnici „Prim.dr Abdulah Nakaš“ Sarajevo i JU Zavod za zdravstvenu zaštitu žena i materinstva Kantona Sarajevo, zdravstvenim ustanovama koje se bave ovom djelatnosti. Zaključno sa 06.10.2016. godine ovom ministarstvu nisu dostavljena tražena mišljenja.

Ministarstvo zdravstva je mišljenja da su neprihvatljiva ponuđena rješenja iz člana 32. i 33. koja se odnose na starosnu dob i broj pokušaja na teret sredstava obaveznog zdravstvenog osiguranja. Naime, u Nacrtu Zakona se predlaže četiri pokušaja intrauterine inseminacije i šest pokušaja izvantelesne oplodnje uz obavezu da dva pokušaja budu u prirodnom ciklusu i dato je pravo na biomedicinski potpomognutu oplodnju ženama do navršene 42. godine života, a što je u suprotnosti sa odredbama Odluke o utvrđivanju osnovnog paketa zdravstvenih prava („Službene novine FBiH“, broj 21/09). Osnovnim paketom je utvrđeno da obavezno zdravstveno osiguranje pokriva vještačku oplodnju do 37 godina starosti žene i dva pokušaja.

Pored toga, za realizaciju predloženih rješenja iz Nacrta Zakona, potrebna su značajna finansijska sredstva koja nije moguće procjeniti bez detaljne analize stručnjaka iz ove oblasti.

Imajući u vidu Odluku o osnovnom paketu, Ministarstvo zdravstva je, na osnovu podataka o postupcima biomedicinski potpomognute oplodnje koji su se provodili u ustanovama na području Kantona Sarajevo, došlo do saznanja da jedan pokušaj biomedicinski potpomognute oplodnje u projektu košta 6.000 KM. Takođe, procjena je da je na području Kantona Sarajevo do sada iskazalo interes oko 500 parova za biomedicinski potpomognutu oplodnjku, što znači da bi, prema ovim



procjenama, samo za jedan pokušaj bilo potrebno osigurati 3 miliona KM godišnje, a za dva pokušaja 5 miliona KM, obzirom da su za drugi pokušaj troškovi niži.

Upravni odbor Zavoda zdravstvenog osiguranja Kantona Sarajevo je dana 26.09.2016 godine donio odluku o refundaciji troškova za pruženu uslugu medicinski potpomognute oplodnje, maksimalno za dva pokušaja i to 4.000 KM za prvi i 2.000 KM za drugi pokušaj, ženama do navršene 37. godine života.

Nacrtom Zakona su u članu 44. definisani uslovi za nabavku sjemenih ćelija iz Evropske unije, shodno kojem Ministarstvo zdravstva Kantona Sarajevo daje odobrenje ovlaštenoj zdravstvenoj ustanovi za heterolognu oplodnju, za nabavku sjemenih ćelija iz ovlaštenih banaka sjemenih ćelija iz zemalja Evropske unije. S tim u vezi, ističemo da ovo ministarstvo nije nadležno za izdavanje odobrenja za nabavku sjemenih ćelija iz zemalja EU.

Pomenuti Nacrt Zakona je identičan Zakonu o medicinski pomognutoj oplodnji Republike Hrvatske, ali napominjemo da se Kanton Sarajevo ne može porediti sa Republikom Hrvatskom koja je članica Evropske Unije, a time i članica banke organa i tkiva, tako da su odredbe ovog Zakona koje se odnose na nabavku sjemenih ćelija neprihvatljive.

Ministarstvo zdravstva Kantona Sarajevo je stava da se donese Zakon kojim će se urediti samo pitanja homologne oplodnje, koja se već provodi na području Kantona Sarajevo i kojim bi se regulisala prava osiguranika do donošenja federalnog zakona.

*S poštovanjem,*



web: <http://mz.ks.gov.ba>  
e-mail: [minzdrav@ks.gov.ba](mailto:minzdrav@ks.gov.ba)  
Tel: + 387 (0) 33 562-104, Fax: + 387 (0) 33 562-243  
Sarajevo, Reisa Džemaludina Čauševića 1

